


唐詩別裁

天二

五言古詩 李杜

土岐文庫
文庫17
W93
2



文庫 17  
W03  
2



唐詩別裁集引典備註卷二

長洲沈德潛歸愚選

後學俞汝昌增注

李太白涼武昭王九世係蜀人亦云  
 其文曰謫仙人也言於明皇召對金鑾殿詔  
 供奉翰林帝在沉香亭賞名花召賦清平調  
 三章帝愛其才因醉命高力士脫鞵力取  
 之摘詩中詔激楊貴妃如譜於帝賜金放還  
 安祿山反王永璘辟為府僚佐璘起兵曰逃  
 回璘敗當誅先王璘救郭子儀至是子儀請  
 解官以贖詔長流夜郎赦還客當塗合李陽  
 冰所代宗立以左拾遺召而自已卒矣葬當  
 塗之青山不使氣原本阮公風格俊上伯玉感  
 遇詩有嗣音矣

古風

卷二

昭和六年二月一日贈  
土岐善唐氏寄

010185190710

大雅久不作。吾衰竟誰陳。王風委蔓草。戰國多荆榛。龍虎相啖食。兵戈逮狂秦。正聲何微茫。哀怨起騷人。揚馬激頽波。開流蕩無垠。廢興雖萬變。憲章亦已淪。自從建安來。綺麗不足珍。聖代復元古。垂衣貴清真。羣才屬休明。乘運共躍鱗。文質相炳煥。衆星羅秋旻。我志在刪述。垂暉映千春。希聖如有

六。絕筆於獲麟。昌黎云。齊梁及陳隋。衆作等蟬噪。珍是從來作豪傑。語。不足珍。謂建安來。綺麗不足。謝眺樓餞別云。蓬萊文章建安骨。一語可證。詩大序。雅者。正也。政有小大。故有小雅焉。有大雅焉。又關雎。麟趾之化。王者之風。詩野有蔓草。班固答賓戲。龍戰虎爭。陶詩。漂流逮汪秦。本集。注。揚馬者。司馬相如。揚雄也。頽波。

者。莊子注。波流頽靡之義。文賦。猶開流以納原。楚詞。穆渺渺之無垠兮。說文。垠。岸也。漢獻紀。政元建安。劉楨詩。綺麗不可忘。楊雄羽獵賦。煥若天星之耀。爾雅。秋。大曰旻。天。春秋哀公十有四年。春。西狩獲麟。注。仲尼因魯春秋。而修中典之教。絕筆于獲麟之一句。蟾蜍薄太清。蝕此瑤臺月。圓光虧中天。金魄遂淪沒。蟾蜍入紫微。大明夸朝暉。浮雲隔兩曜。萬象昏陰霏。蕭蕭長門宮。昔是今已非。桂蠹花不實。天霜下嚴威。沈歎終永夕。感我涕沾衣。意指武惠妃有寵。王皇后見廢。而作通體皆作隱語。而蕭蕭長門宮二句。若晦若顯。布置最佳。淮南子。日月照天下。而食於蟾蜍。許慎曰。蟾蜍。蝦蟆。史記。日月薄蝕。韋昭曰。氣往迫之。為薄虧。毀為蝕。沈約詩。白雲自帝鄉。舍吐瑤臺月。曹植詩。圓景光未滿。書哉生魄。詩注。蟾。

竦虹也。晉天文志：紫宮垣一曰紫微，大帝之座。禮注：大明日也。漢外戚傳：陳皇后擅寵無子，聞月謂之兩曜。幾死者數焉。元光五年，坐女子闖衛子夫得幸，幾死者數焉。元光五年，坐女子闖服等為皇后，巫蠱祠祭，詔罷退歸長門宮。又兩粵傳：桂蠹一器，應劭曰：桂樹中蟻也。後漢五行志：成帝時童謠曰：桂樹花不實，黃爵巢其顛。唐書：王皇后無子，而武妃稍有寵，后顯詆之。帝密欲廢后，后兄守一懼為求厭勝，浮屠明悟教祭北斗，取霹靂木刻天地文及帝諱，合佩之。口後有子開元十二年事。覺帝自臨，刻有狀廢為庶人。

秦皇掃六合，虎視何雄哉。飛劍決浮雲，諸侯盡西來。明斷自天啟，大略駕羣才。收兵鑄金人，函谷正東開。銘功會稽嶺，騁望瑯琊臺。刑徒七十萬，起土驪山隈。尚采不死藥，茫然使心哀。連弩射海魚，長

鯨正崔嵬，額鼻象五岳。揚波噴雲雷，巒巖蔽青天。

何由覩蓬萊，徐市載秦女。樓船幾時迴，但見三泉

下。金棺葬寒灰。既期不死而，又築

始皇紀：并天下，議帝號曰皇帝。西都賦：秦以虎視始，莊子：天子之劍，上決浮雲，下絕地紀。史記：始，皇收天下兵，聚之咸陽，銷為鐘鍊，金人十二。括地志：函谷關在弘治縣，西有函谷關。二：史記：始，皇臨於江，始，皇立石刻頌秦德，復作瑯琊臺，立石頌德。始，皇三十五年，隱宮刑徒者七十餘萬人，分作阿房宮，或作驪山，發北山石，椁又徐市上書言海中神山，曰蓬萊，方丈瀛洲，仙人居之，請與童男女求之。於是遣市發童男女數千人入海求仙，人不死。之藥，又十洲記：北郭鬼谷先生云：臣聞東海祖洲，上有不死之草，生黃白內，始，皇使徐福發童男女各三百人，載樓船入海，求藥，數歲不得，乃詐曰：蓬萊藥可徐市等入海求藥，數歲不得，乃詐曰：蓬萊藥可。

得然常為大蛟魚所苦故不得至願請善射與  
俱見則以連弩射之始皇命入海者以連弩侯  
大魚射之古今注鯨海魚也大者長千里小  
者長數丈鼓浪成雷噴沫成雨海賦巨鱗插  
雲鬣鬣刺天顛骨成岳瀟灑為洲史  
記始皇治驪山穿三泉下銅而致棺

莊周夢蝴蝶蝴蝶為莊周一體更變易萬事良悠

悠乃知蓬萊水復作清淺流青門種瓜人舊日東

陵侯富貴固如此營營何所求言一體尚有變易而高貴能長保耶

神仙傳麻姑云接待以來島東海三為桑田向到蓬萊水又淺於往者會稽器牛也豈將復為陵陸乎方平笑曰聖人皆言海中行復揚塵也夢蝶見卷一張九歸詩東陵侯見陳子昂詩

齊有憫儻生曾連特高妙明月出海底一朝開光

曜卻秦振莫聲後世仰末照意輕千金贈願向平

註

原笑吾亦澹蕩人拂衣可同調嘯

史記魯仲連齊人也好奇偉憫儻之畫策游趙會秦圍趙魏將新垣衍欲令趙尊秦為帝魯連見新垣衍言稱帝之害衍不敢復言帝秦秦將聞之却軍五十里適會魏公子無忌奪晉鄙軍救趙擊秦秦軍引而去於是平原君欲封魯連連不肯受乃置酒酒酣起前以千金為魯連壽魯連笑而去漢馮野王傳行能高妙張景陽詩魚目笑明月注明月寶珠也封禪書蓋英聲謝朓賦承末照於遺簪

松柏本孤直難為桃李顏昭昭嚴子陵垂釣滄波

間身將客星隱心與白雲閒長揖萬乘君還歸富

春山清風灑六合邈然不可攀使我長歎息冥棲

巖石間不著議論咏古體

卷二

四

劉孝綽詩競嬌桃李顏後漢書嚴光字子陵  
會稽餘姚人也少與光武同遊學光武即位訪  
之齊國上言有一男子披羊裘釣澤中帝備安  
車聘之三反而後至車駕即日幸其館光臥不  
起帝撫光腹曰咄咄子陵不可相助為理耶光以  
曰士固有志何至相迫乎復引光共偃臥光以  
足加帝腹上明曰太史奏容星犯御座甚急帝  
笑曰朕故人嚴子陵共臥耳除為諫議大夫不  
屈乃耕于富春山後八  
名其釣處為嚴陵灘

君平既棄世世亦棄君平觀變窮太易探元化羣  
生寂寞綴道論空簾閉幽情騶虞不虛來鸞鶴有  
時鳴安知天漢上白日懸高名海客去已久誰人  
測沈溟言人之不泯如騶虞鸞鶴必然見知即世  
人不知天上猶懸其名也天漢二句用海  
渚人乘桂至  
織女宮意

鮑照詩君平獨寂寞身世兩相棄高士傳嚴  
遵字君平賣卜成都市得百錢則下簾著書  
易動則觀其變而玩其亡毛詩傳騶虞義獸  
不食生物禽經鳳凰亦曰鸞鶴河圖括地  
象河精上為天漢博博物志舊說天河與海通  
近有人居海渚者年年八月有浮槎去來不失  
期人有立飛閣於槎上多齋糧乘槎而去十餘  
月至一處有城郭狀屋舍甚嚴遙望宮中有織  
婦見一丈夫牽牛渚次飲之問此是何處曰君  
還至蜀都訪嚴君平則知之因還至蜀問君平  
曰某年某月有客星犯牽牛宿計其年月正此  
人到天河時也漢書蜀嚴湛冥久幽而不改

天津三月時千門桃與李朝為斷腸花暮逐東流  
水前水復後水古今相續流新人非舊人年年橋  
上遊雞鳴海色動謁帝羅公侯月落西上陽餘輝

半城樓衣冠照雲日朝下散皇州鞍馬如飛龍黃  
 金絡馬頭行人皆辟易志氣橫嵩邱入門上高堂  
 列鼎錯珍羞香風引趙舞清管隨齊謳七十紫鴛  
 鴦雙雙戲庭幽行樂爭晝夜自言度千秋功成身  
 不退自古多愆尤黃犬空歎息綠珠成豐饗何如  
 鳴奇子散髮棹扁舟歷言權貴豪侈沉溺不返而  
 有李斯不崇之禍不如范蠡  
扁舟歸去之為  
 得也前用典起  
三輔記秦始皇都咸陽渭水貫都以為象天河橫  
 橋南渡以法牽牛所謂天津橋也西京記上  
 陽宮西有西上陽宮選詩春色滿皇州後  
 漢馬后詔外家問起居者車如流水馬如遊龍  
 易古樂府黃金絡馬頭項羽紀人馬俱驚辟  
 洛陽記嵩丘在洛陽東南五十里蜀都

賦置酒高堂左思詩從容好遊舞繁要齊  
歌曰譚激水養白鸞鷁紫鴛鴦宋禮樂志鴛鴦  
 下築園激水養白鸞鷁紫鴛鴦宋禮樂志鴛鴦  
 七十二羅列自成行老子功成名遂身退天  
 之道也史記李斯論腰斬咸陽市謂其中子  
 曰吾欲與若復牽黃犬出上蔡東門逐狡兔豈  
 可得乎晉石崇傳崇有妓曰綠珠孫秀使人  
 求之崇勃然曰綠珠吾所愛不可得也秀矯詔  
 收崇崇正宴于樓上謂綠珠曰我今為爾得罪  
 綠珠泣曰當效死于君前因自投于樓下而死  
 史記貨殖傳范蠡既雪會稽之恥乃乘扁  
 舟浮於江湖變名易姓適齊為鴟夷子皮  
 鄭客西入關行行未能已白馬華山君相逢平原  
 畢壁遺鎬池君明年祖龍死秦入相謂曰吾屬可  
 去矣老境一往桃花源千春隔流水  
秦始皇紀三十六年使者從關東夜過華陰平  
 舒道有人持壁遮使者曰為吾遺鎬池君因謂  
 卷二 六

曰今年祖龍死注錦池君水神祖始也龍  
君象謂始皇也 桃花源詳卷五王維詩

羽檄如流星 虎符合專城 喧呼救邊急 羣鳥皆夜

鳴 白日耀紫微 三公運權衡 天地皆得一 澹然四

海清 借問此何為 答言楚徵兵 渡瀘及五月 將赴

雲南征 怯卒非戰士 炎方難遠行 長號別巖親 日

月慘光晶 泣盡繼以血 心摧兩無聲 困獸當猛虎

窮魚餌奔鯨 千去不一回 投軀豈全生 如何舞干

戚 一使有苗平 如何作何如 解古人每有之 干

時徵兵討雲南而大敗楊國

忠掩敗為功詩應作於是時

羽檄即羽書 漢書文帝二年初與郡守為銅

虎符竹使符 古詩四十專城居 老子天得

地志盧水出牂牁郡 唐書皮選閣逐河蠻取

大和城天子賜名歸義冊為雲南王歸義死閣

羅鳳立龔王又楊國忠傳閣羅鳳亡去帝將討

之國忠薦鮮于仲通率兵六萬討之舉軍沒國

忠匿其敗更遣李宓率兵十萬擊閣羅鳳宓

死於西洱河國忠矯為捷書上聞自再興兵傾

中國驍騎二十萬天下冤之 本集注天寶後

曠騎之法又稍變士皆失指循折簡諸府至無

兵可交六軍宿衛皆市人不能受甲炎方者南

荒炎蒸之地也 江淹獄中書泣盡而繼之以

血 蘇武詩中心愴以摧 書帝乃誕敷文德

舞干羽于兩階 七旬有苗格

虞

胡關饒風沙 蕭索竟終古 木落秋草黃 登高望戎

虞 荒城空大漠 邊邑無遺堵 白骨橫千霜 嗟峨蔽

榛莽 借問誰凌虐 天驕毒威武 赫怒我聖皇 勞師

卷二

七



事驚鼓陽和變殺氣發卒騷中土三十六萬人哀

哀淚如兩且悲就行役安得營農圃不見征戍兒

豈知關山苦李牧今不在邊人飼豺虎使王忠嗣

攻吐蕃石堡城忠嗣言堅守難攻董延光自請攻

之不克復命哥舒翰攻而拔之獲吐蕃四百人而

唐兵死亡畧盡其後世為讐敵

矣詩為開邊垂戒與前一首同

大漢國名張載詩園寢化為墟周痛無遺堵

左注方丈曰堵三堵曰雉漢匈奴傳強胡者

天之驕子也史記李牧居鴈門備匈奴匈奴

小人伴北不戰以數千人委之單于單于聞之

大率衆來李牧多為奇軍張左右翼天破

殺匈奴十餘萬十餘歲匈奴不敢近趙邊

寒榮華東流水萬事皆波瀾白日掩徂輝浮雲無

登高望四海天地何漫漫霜被羣物秋風飄大荒

定端梧桐巢燕雀枳棘棲鸚鵡且復歸去來劍歌

行路難白日二語喻讒邪或主梧桐

孟嘗君傳馮驩彈其劍而歌

郢客吟白雪遺響飛青天徒勞歌此曲舉世誰為

傳試為巴人曲和者乃數千吞聲何足道歎息空

凄然

宋玉對楚王曰客有歌於郢中者其始曰下里

巴人國中屬而和者數千人其為陽春白雪國中屬而

和者數十人引商刻羽雜以流徵國中屬而和

者不過數人而已是其曲彌高其和彌寡此首重訂刪

醜女來效顰還家驚四鄰壽陵失故步笑殺邯鄲

人一曲斐然子。雕蟲喪天真。棘荆造沐猴。三年費

精神。功成無所用。楚楚且華身。大雅思文王。頌聲

久崩淪。安得郢中質。成風一運斤。識世之文章無補風教而因追

思大雅也。

西施病心而斃。聖之醜人亦捧心而效其醜。

漢書壽陵餘子學步於邯鄲。失其故步。楊子或問吾子少而好賦。曰然。童子雕蟲篆刻。俄而

曰壯夫不為也。韓子燕王好微巧。衛人曰臣能以棘刺之端為母猴。魏都賦。造沐猴於棘刺。

本集注詩大雅首於文王。莊子郢人墜漫其鼻端。若蠅翼。使匠石斲之。匠石運斤成風。聽

而斲之。召匠石曰。嘗試為寡人。為之。匠石曰。臣則嘗能斲之。雖然。臣之質死久矣。自夫子之死也。

吾無以爲質矣。吾無與言之矣。

八荒馳驚騰。萬物盡凋落。浮雲蔽頽陽。洪波振天

壑。龍鳳脫網罟。飄飄將安托。去去乘白駒。空山詠

場藿。浮雲二語隱指亂世景象。

說文。騰。扶搖風也。陸機詩。驚騰。反信。歸雲難寄音。謝宣遠詩。頽陽照通津。頽陽。落日也。

列子。渤海之東。有夭壑。實惟無底之谷。名曰歸墟。詩。皎皎白駒。食我場藿。

桃花開東園。含笑誇白日。偶蒙東風榮。生此豔陽

質。豈無佳人色。但恐花不實。宛轉龍火飛。零落早

相失。豔。龍火。知南山松。獨立自蕭瑟。

阮籍詩。東園桃李與李。鮑照詩。豔陽桃李。曹植詩。南園有佳人。容華若桃李。

擬古四首

長繩難繫日。自古多悲辛。黃金高北斗。不惜買陽春。言時光與人命同一短促石火無留光。還如世中人。卽事已如夢。後來我誰身。提壺莫辭貧。取酒會四鄰。仙人殊恍惚。未若

酒中真

傅休奕詩安得長繩繫白日古樂府繫石見火能幾時

月色不可掃。客愁不可道。玉露生秋衣。流螢飛百草。日月終銷毀。天地同枯槁。蟪蛄啼青松。安見此樹老。金丹寧誤俗。昧者難精討。爾非千歲翁。多恨去世早。飲酒入玉壺。藏身以為寶。言天地終歸枯槁况乎人生正

當及時行樂

楚詞曰日晡晚其將入矣明月銷鑠而滅毀神仙傳壺公賣藥於汝南市日入後跳入壺中

此首重訂增

涉江弄秋水。愛此荷花鮮。攀荷弄其珠。蕩漾不成圓。佳期彩雲重。欲贈隔遠天。相思無由見。悵望涼風前。

陸雲詩盈盈荷上露灼灼如明珠

去去復去去。辭君還憶君。漢水既殊流。楚山亦此分。人生難稱意。豈得長為羣。越燕喜海日。燕鴻思朔雲。別久容華晚。琅玕不能餒。日落知天昏。夢長覺道遠。望夫登高山。化石竟不返。詞微旨遠怨而不怒

本草燕胸輕小者是越燕胸斑黑  
聲大是胡燕南都賦珍羞琅玕

### 沐浴子

樂府遺聲遊俠二  
十一曲有沐浴子

沐芳莫彈冠。浴蘭莫振衣。處世忌太潔。至人貴藏  
輝。滄浪有釣叟。吾與爾同歸。言立身忌太潔不如  
老氏之和光同塵也

暗用楚

辭意

楚辭浴蘭湯兮沐芳華。又新  
沐者必彈冠。新浴者必振衣。

### 子夜吳歌

子夜晉  
女子名

古今樂錄清商曲子夜亦曰子  
夜吳聲四時歌亦曰子夜吳歌

長安一片月。萬戶擣衣聲。秋風吹不盡。總是玉關

情。何日平胡虜。良人罷遠征。不言朝家之黷武而  
言胡虜之未平立言

溫厚

漢書注玉門關今沙州  
也去長安三千六百里

### 關山月

樂府正聲關山月漢鼓  
角橫吹十五曲之一也

明月出天山。蒼茫雲海間。長風幾萬里。吹度玉門  
關。漢下白登道。胡窺青海灣。由來征戰地。不見有  
人還。戍客望邊邑。思歸多苦顏。高樓當此夜。歎息  
未應閒。

天山在西域玉關見前 括地志朔州定襄縣  
木漢平城縣東北三十里有白登山山上有臺

漢匈奴傳冒頓圍高帝於白登七日服虔云白登臺名去平城七里十三州記允吾縣西卑禾兼海謂之青梅

短歌行

白日何短短百年苦易滿蒼穹浩茫茫萬劫太極長麻姑垂兩鬢一半已成霜天公見玉女大笑億千場吾欲攬六龍迴車挂扶桑北斗酌美酒勸龍各一觴富貴非所願與人駐顏光

楞嚴經儒為世釋為劫道為塵又譬爾生情萬劫羅鎖神仙傳麻姑見王方平年可十八九頭作三角鬚餘髮散至腰大人賦西王母昂然白首神異傳東王公與玉女投壺設有不接天為之笑開口流光今雷是也楚詞馳六龍於三危兮淮南子曰出於暘谷浴於咸池

拂於扶桑晨明登於扶桑之上注扶桑東方之野小司命援北斗兮酌桂漿

妾薄命

樂府佳麗四十七曲中有妾薄命亦曰惟日月

漢帝寵阿嬌貯之黃金屋咳唾落九天隨風生珠玉寵極愛還歇妒深情卻疎長門一步地不肯暫迴車雨落不上天水覆難再收君情與妾意各自東西流昔日芙蓉花今成斷根草以色事他人能得幾時好

漢武故事帝數歲長公主搗問曰兒欲得婦否曰欲得指女阿嬌好否笑曰若得阿嬌當作金屋貯之陳皇后小名阿嬌趙壹歌勢家多所宜咳唾自成珠陳后退歸長門宮陳琳檄

皓 屋

早

雨絕于天。後漢何進傳。何苗謂兄進曰。覆水不收。宜深思之。說苑安陵纏龍於楚。其王江乙謂纏曰。以財事人者財盡則交絕。以色事人者華落則愛衰。子安得長被幸乎。

古朗月行

樂府遺聲時景二十五曲中有明月篇及明月子亦曰朗月子

小時不識月。呼作白玉盤。又疑瑤臺鏡。飛在青雲

端。仙人垂兩足。桂樹作團圓。白兔搗藥成。問言誰

與餐蟾蜍。蝕圓影。大明夜已殘。羿昔落九烏。天人

清且安。陰精此淪惑。去去不足觀。憂來其如何。悽

愴摧心肝。與古風中蟾蜍薄太清篇同意。但古風指武惠妃。此指楊貴妃。各有主意也。

漢官儀封禪壇有白玉盤。京房云。日似彈丸。月似鏡體。太平御覽。虞喜安論俗傳月中仙

人皆謂今蟾其初生是仙人之足。漸已成形。杜嗣後生焉。傅休奕詩。月中何有。白兔搗藥。蟾蜍。大明夜已殘。淮南子。堯時十日並出。堯命羿射十日。中其九日。日中九鳥皆死。春秋。越。捕。獲。月者陰之精。

長于行

樂府遺聲。初邑三十四曲中有長于行。長于地名也。圖經。長于里。去上元縣五里。

妾髮初覆額。折花門前劇。郎騎竹馬來。遶牀弄青  
梅。同居長千里。兩小無嫌猜。十四為君婦。羞顏未  
嘗開。低頭向暗壁。千喚不一回。十五始展眉。願同  
塵與灰。常存抱柱信。豈上望夫臺。十六君遠行。瞿

堆 緒

塘灘瀕堆五月不可觸猿聲天上哀門前送行跡

一一生綠苔苔深不能掃落葉秋風早八月蝴蝶

黃雙飛西園草感此傷妾心坐愁紅顏老早晚下

三巴預將書報家相迎不道遠直至長風沙長風沙在

舒州金陵至舒州七百餘里言相迎之遠也

博物志小兒五歲曰鳩車之戲七歲曰竹馬之戲

女子期于梁下女子不來水至不去抱橋柱而死一統志望夫臺在忠州南十里

峽在夔州東一里水經注白帝城西有孤石

冬出二十餘丈夏沒名灘堆土人云灘大

如象瞿塘不可上灩澦大如馬瞿塘不可下人

以此為水候蓋五月水漲時不可行船也又古

歌曰巴東三峽巫峽長猿鳴三聲灩澦滑裳張

景陽詩借問此何時蝴蝶飛南園渝州記問

白二水東西流三曲如巴字是為三巴一統志長風沙棧池州

贈盧司戶

唐書職官戶曹司戶參軍事掌戶籍

秋色無遠近出門盡寒山白雲遙相識待我蒼梧

間借問盧耽鶴西飛幾時還

白雲出於蒼梧鄧德明南康記盧耽廣州人

任州為治中少學伯術身能奮飛每夕輒凌虛

歸家嘗赴元會至曉不能隨從乘預朝列化為

白鶴至閣前迴翔欲下威儀以箒擲之得一雙

履耽乃驚還就列

沙邱城下寄杜甫

我來竟何事高臥沙邱城城邊有古樹日夕連秋

聲魯酒不可醉。齊歌空復情。思君若汶水。浩蕩寄南征。  
沙邱在萊州。汶水出沂水在青州。境地相接。故欲因水以寄情也。有餘地有餘情。此詩家正聲也。浮淺者以為無味。庚信賦魯酒無忘憂之用。

送張舍人之江東

唐書職官中書省舍人六員掌侍奉進奏參議表章

張翰江東去。正值秋風時。天濤一鴈遠。海闊孤帆遲。白日行欲暮。滄波杳難期。吳洲如見月。千里幸相思。

晉書張翰字季鷹齊王問辟為東曹掾翰見秋風起乃思吳中菰菜葍羹鱸魚膾曰人生貴適志何能羈宦千里乎遂命駕歸。顏延之詩振楫饒吳州。

送揚山人歸嵩山

一統志嵩山在登封縣北十里五嶽之中嶽也

我有萬古宅。嵩陽玉女峯。長留一片月。挂在東溪松。爾去掇仙草。萑蒲花紫茸。歲晚或相訪。青天騎白龍。

本集注嵩山有玉女峯絕異記嵩山上有玉女持帛石。秋前一日夜聞杵聲。抱朴子萬蒲須石上一寸九節。已上紫花者尤善。謝靈運詩新蒲含紫茸。神仙傳太真夫人名婉羅與馬明生居所往常有白龍迎之。

金鄉送韋八之西京

唐地理志兗州魯郡有金鄉縣



客自長安來。還自長安去。狂風吹我心。西挂咸陽樹。此情不可道。此別何時遇。望望不見君。連山起煙霧。即瞻望弗及實勞我心意說來自遠

下終南山過斛斯山人宿置酒

暮從碧山下。山月隨人歸。卻顧所來徑。蒼蒼橫翠微。相攜及田家。童稚開荆扉。綠竹入幽徑。青蘿拂行衣。歡言得所憩。美酒聊共揮。長歌吟松風。曲盡河星稀。我醉君復樂。陶然共忘機。太白山水詩亦帶仙氣

寄東魯二子

吳地桑葉綠。吳蠶已三眠。我家寄東魯。誰種龜陰田。春事已不及。江行復范然。南風吹歸心。飛墮酒樓前。

樓東一株桃。枝葉拂青煙。此樹我所種。別我向三年。桃今與樓齊。我行尚未旋。嬌女字平陽。折花倚桃邊。折花不見我。淚下如流泉。小兒名伯禽。與姊亦齊肩。雙行桃樹下。撫背復誰憐。念此失次第。肝腸日憂煎。裂素寫遠意。因之汶陽川。

三眠見卷一王維詩左齊人來歸鄆謹龜陰之田本集注太白於任城縣造酒樓其居在酒樓前劉楨詩思子沉心曲長嘆不能言起坐失第次一日三四遷

秋日魯郡堯祠亭上宴別杜補闕范侍御

北

我覺秋興逸。誰云秋興悲。山將落日去。水與晴空  
宜。魯酒白玉壺。送行駐金羈。歇鞍憩古木。解帶挂  
橫枝。歌鼓川上亭。曲度神鸞吹。雲歸碧海夕。鴈沒  
青天時。相失各萬里。茫然空爾思。

曹植詩白馬飾金羈  
十洲記碧海在東海中

### 經下邳圯橋懷張子房

統志邳州在淮安府城西北四百五  
十里元和郡志下邳縣有長利池池上  
有橋即黃石公授素書之  
所漢張良傳字子房

子房未虎嘯。破產不為家。滄海得壯士。椎秦博浪  
涉。報韓雖不成。天地皆振動。潛匿遊下邳。豈日非

智勇。我來圯橋上。懷古欽英風。唯見碧流水。曾無

黃石公歎息。此人去蕭條。徐泗空。勇二字何補世

家贊

王褒頌虎嘯而風冽。史記張良韓人秦滅韓  
良東見滄海君得力士為鐵相重百二十斤狙  
擊秦皇帝博浪沙中誤中副車秦索賊急良亡  
陷下邳嘗遊圯上有一老父墮其履圯下謂良  
曰孺子下取履良長跪履之父曰孺子可教矣  
後五日與我會此五日良往父出曰孺子可讀  
此則為王者師矣後十三年見濟北穀城山下  
黃石即我矣注圯橋也漢地理志陽武縣有  
博浪沙漢傅贊聞子房之智勇以為其貌魁  
梧奇偉反若婦人女子房之史紀注紀年云梁惠  
王三十年下邳遷於薛改名徐州  
漢地理志泗水西南至方與入沛

### 望鸚鵡洲懷禰衡

卷二

張道黃石于  
圯橋即  
穀城山下

水經注江水又東逕歎父山江之右岸當鸚鵡洲廣輿記洲在武昌府城南

魏帝營入極巖觀一爾衡黃祖斗符人殺之受惡

名吳江賦鸚鵡落筆超羣英鏘鏘振金玉句句欲

飛鳴鸞鸚啄孤鳳千春傷我情五岳起方寸隱然

詎可平才高竟何施寡識冒天刑至今芳洲上蘭

蕙不忍生曹操送劉表送黃祖祖乃殺

馬有以自取也嚴儀卿亦

三才高識窮與太白意同

而後漢書臧平原人有才辨而尚氣曹操懷忿

太守黃祖前曰願先生賦衡筆不停綫文不

祖竟殺之

春思

燕草如碧絲秦桑低綠枝當君懷歸日是妾斷腸

時春風不相識何事入羅幃六朝後語與祇恐多

種落

月下獨酌

花間一壺酒獨酌無相親舉杯邀明月對影成三

人月既不解飲影徒隨我身暫伴月將影行樂須

及春我歌月裴回我舞影零亂醒時同交歡醉後

各分散永結無情遊相期邈雲漢脫口而去純乎

不易

卷二

春日醉起言志

處世若大夢。胡為勞其生。所以終日醉。頽然臥前  
櫺。覺來盼庭柯。一鳥花間鳴。借問此何時。春風語  
流鶯。感之欲歎息。對酒還自傾。沽歌待明月。曲盡  
已忘情。

望終南山寄紫閣隱者

十六  
出門見南山。引領意無限。秀色難為名。蒼翠日在  
眼。有時白雲起。天際自舒卷。心中與之然。託興每  
不淺。何當造幽人。滅跡棲絕巘。因白雲舒卷念彼  
幽人借隱之思與

張協七命登  
絕巘湖長風

送裴十八圖南歸嵩山

君思穎水綠。忽復歸嵩岑。歸時莫洗耳。為我洗其  
心。洗心得真情。洗耳徒買名。謝公終一起。相與濟

蒼生。

言真能洗心則出處皆宜不專以忘世  
為高也借洗耳引洗心無貶巢父意

高士傳許由洗耳於穎水時有巢父牽犢欲飲  
之見由洗耳問其故對曰堯欲召我為九州長  
惡聞其聲是故洗耳巢父曰子若處高岸深谷  
人道不通誰能見子故浮游欲求名譽汚吾  
犢口牽犢上流飲之易聖人以此洗心江  
淹書進不買名聲于天下晉書安石不起當  
如茶生何

登黃山凌歊臺送族弟灑陽尉濟充泛舟

赴華陰得齊字

齊賢曰太白自注時在當塗即今之太平也黃山在城北凌歊臺在其上

鸞乃鳳之族。翺翔紫雲霓。文章輝五色。雙在瓊樹  
棲。一朝各飛去。鳳與鸞俱啼。炎赫五月中。朱曦燥  
河隄。爾從泛舟役。使我心魂悽。秦地無碧草。南雲  
喧鼓鼙。君王滅玉膳。早起聽鳴雞。漕引救關輔。疲  
人免塗泥。宰相作霖雨。農夫得耕犁。靜者伏艸間。  
翠才滿金閨。空手無壯士。窮居使人低。送君登黃  
山。長嘯倚天梯。小舟若鳧鴈。大舟若鯨鯢。開帆散  
長風。舒卷與雲齊。日入牛渚响。蒼然夕煙迷。相思

定何許。杳在洛陽西。

說轉漕處見關係軍國此一

山海經女牀之山有鳥狀如翟五彩畢備聲似  
雉而尾長名為鸞瑞應圖鸞者鳳凰之佐郭  
璞詩朱曦將由白唐裴耀卿傳開元二十  
年秋雨害稼京師餓帝將幸東都召問所以救  
人者耀卿曰陛下既東巡百司畢從則太倉三  
輔可遣重臣分道賑給自東都益廣漕運以實  
關輔關輔既實則乘輿西還事茂不濟且國家  
大本在京師但秦地狹水旱易闕往貞觀永徽  
時祿廩者少歲漕粟二十萬略足今用度浸廣  
漕運數倍且支不支臣願廣夾運道使京師常有  
三年食雖水旱不足憂天子然之拜黃門侍郎  
同中書門下平章事充轉運使于置河陰集  
津三門倉引天下租由孟津沂河而西三年積  
七百萬石省運費三十萬緒沂河而西三年積  
彥泮金閨金馬門也木集注  
牛渚磯隸當塗華陰在洛陽西

上三峽峽並稱三峽歸

巫山夾青天。巴水流若茲。巴水忽可盡。青天無到

時。三朝上黃牛。三暮行太遲。三朝又三暮。不覺髮

成絲。古謠云。朝見黃牛暮見黃牛。故亦峽名。

圖經。巫山縣。亘七百里。自非亭。午夜分。不見日月。

聽蜀僧濬彈琴

蜀僧抱綠綺。西下峨眉峯。為我一揮手。如聽萬壑

松。客心洗流水。餘響入霜鐘。不覺碧山暮。秋雲暗

幾重。

古琴疏。梁王賜司馬相如。綠綺琴。銘曰。桐梓合

精。唐地理志。嘉州羅目縣。有峨眉山。列子。九鐘。是知霜鳴。注霜降。則鳴。故言知也。

杜甫。字子美。襄陽人。審言之孫。開之子。舉

北府兵曹參軍。祿山亂。肅宗即位。靈武南。京師西。謁行在。拜右拾遺。房瑄兵敗。貶官。前

救之。出為華州司功參軍。客秦州。流落劍南。依高適。適旅卒。自是數遭寇亂。以舟為居。未

業。自未陽。迎。樞。歸。葬。於。偃。師。縣。首。陽。山。之。前。聖人言。詩。自。興。觀。羣。怨。歸。木。於。事。父。事。君。

少陵身際。亂離負薪。拾橡而食。少陵之意。倦。倦。矣。至。嚴。滄。浪。則。云。憲。章。漢。魏。而。取。材。子。六。朝。

之。比。之。周。公。禮。樂。後。世。莫。能。擬。議。斯。為。篤。論。節。無。不。見。此。老。面。日。在。盛。唐。中。允。推。大。家。

少陵。五言。長篇。意本。連屬。而學問。博力。量大。轉接。無痕。莫測。端倪。轉似。不連。屬者。千古。以

來。讓渠。獨步。敘事。並議。論而行。應與。史記。二

並讀唐人詩原本離騷文選老杜  
獨能驅策經史不第以詩人目之

奉贈韋左丞丈二十二韻

舊唐書韋濟傳天寶  
七載遷尚書左丞

絀袴不餓死儒冠多誤身  
文人試靜聽賤子請具陳  
甫昔少年日早充觀國賓  
讀書破萬卷下筆如有神  
賦料揚雄敵詩看子建親  
李邕求識面王翰願卜鄰  
自謂頗挺出立登要路津  
致君堯舜上再使風俗淳  
此意竟蕭條行歌非隱淪  
騎驢三十載旅食京華春  
朝扣富兒門暮隨肥馬塵  
殘杯與冷炙到處潛悲辛  
主上頃見徵歛然欲求伸  
青冥卻

垂翅隨蹤無縱鱗甚媿友人厚甚知丈人真每於

百寮上張誦佳句新竊效貢公喜難甘原憲貧焉

能心快快祇是走踈踈今欲東入海卽將西去秦

尙憐終南山回首清渭濱常擬報一飯况懷辭大

臣白鷗沒浩蕩萬里誰能馴抱負如此終遭阻抑

詞有遲遲我行之意

可謂溫柔敦厚矣

漢書班伯在綺襦執袴之間非其所好也

史記沛公不好儒諸客冠儒冠來者輒解其冠

天今屬丈人吳越春秋子胥謂漁父曰性命屬天

年易觀國之光利用賓于王年譜開元二十

志曹植字子建本傳甫少貧不自振容齊趙

問李邕奇其才先在見之唐文苑傳王翰字

參二

三

子羽并州晉陽人。蜀志呂凱傳諸葛丞相英  
才挺出。古詩何不策高足先據要路津。鮑照  
漢獨行傳向相或騎驢入市乞。顏氏家訓殘杯  
詩結友多貴門出入富兒鄰。顏氏家訓殘杯  
冷炙之辱。戴安道猶遭之。况爾曹乎。楚詞注  
青真雲也。後漢馮異傳始雖垂翅回谿終能  
奮翼。灑池。海賦。踏踏窮波。王褒頌。沛乎若  
巨魚之縱大壑。漢王吉傳吉字陽子與貢禹  
為友。書稱王陽在位。貢公彈冠。劉孝標廣絕交  
論。王陽登則貢公喜。家語子貢過原。盡畫攝  
傲衣冠。見之。貢曰。子病乎。患日無財者謂之  
貧。學道而不能行。謂之病。若患貧也。非病也。  
西京賦。注。踐踐行走貌。輿圖備攷。終南渭河  
俱屬陝西西安府。范曄傳。飯之恩必償。  
顏延之。五君詠。龍性誰能馴。注。馴。馴服也。

遊龍門奉先寺

已從招提遊。更宿招提境。陰壑生虛籟。月林散清

梗

影天闕象緯逼。雲卧衣裳冷。欲覺聞晨鐘。令人發

深省。伊闕各龍門。非導河積石所至之。龍門也。本有天闕。不應改天闕。

僧史魏太武始光元年。以造伽藍立招提之名。唐會要官賜額為寺。私造者為招提。蘭若。草。述東都記。龍門號雙闕。與大內對峙。若天闕然。王子午於遺記。師延精述陰陽。曉明象緯。象緯。星象經緯也。鮑照詩。雲卧恣天行。

望嶽

元和郡國志泰山。一曰岱宗。在兗州。鉅野縣西北三十里。

岱宗夫如何。齊魯青未了。造化鍾神秀。陰陽割昏

曉。盪胸生曾雲。決眴入歸鳥。會當凌絕頂。一覽衆

山小。齊魯青未了。五。字。已盡太山。

層 嶽

卷二

三



史記秦山之陽則魯其陰則齊老子大制不割割分也馬融廣成頌動盪胸臆曹植冬獵篇張目決背決開也曹日雁也沈約詩絕頂復孤圓

贈衛八處士

人生不相見動如參與商今夕復何夕共此燈燭  
光少壯能幾時鬢髮各已蒼訪舊半為鬼驚呼熱  
中腸焉知二十載重上君子堂昔別君未婚兒女  
忽成行怡然敬父執問我來何方問答未及已兒  
女羅酒漿夜雨剪春韭新炊間黃粱主稱會面難  
一舉累十觴十觴亦不醉感子故意長明日隔山  
岳世事兩茫茫

陸機詩形影參商乖音息曠不達漢外賦張燈燭設幃帳魏文書親故姓名牛為象魏王粲詩高會君子堂禮見父之執南史春初早並秋未晚菘招魂稱案稱麥擘黃粱且長會面安可知

同諸公登慈恩寺塔

原注時高適薛據先有作

伏後

高標跨蒼穹烈風無時休自非曠士懷登茲翻百  
憂方知象教力足可追冥搜仰穿龍蛇窟始出枝  
撐幽七星在北戶河漢聲西流競和鞭白日少昊  
行清秋秦山忽破碎涇渭不可求俯視但一氣焉  
能辨皇州迴首叫虞舜蒼梧雲正愁惜哉瑤池飲  
日晏崑崙正黃鶴去不息哀鳴何所投君看隨陽

雁各有稻梁謀

後生世首以下胸中鬱鬱律不

屬境也前或謂通無味皆顯言故托隱語出之已上皆寔

獨比語賦穿鳥廼正法既序非遠寄真搜何肯遙想

以教人也舊注仰穿龍蛇窟謂塔間磴道屈曲

而存之也魯光殿賦注枝撐交木也漢亦曰河漢

書北斗七星廣雅賦注謂之天漢亦曰河漢

魏文詩天漢為帝俊之妻是生十日楚詞注羲

和日御之帝為春秋注少昊以金德王死為西

方金德之帝為春秋注少昊以金德王死為西

莊子天下為一氣非於蒼梧之野列子穆王

州崑崙之北以禮祭黃帝於宮庭賓于西王母

於崑崙之北以禮祭黃帝於宮庭賓于西王母

外傳川饒謂魯哀公曰夫黃鵠一舉千里止君

將去君黃鵠舉矣雁之屬書

傳隋陽之鳥鴻雁之屬書

契丹于是徵調半天下前出塞為哥舒發

後出塞為祿山發今按詩前九章多從軍

愁苦之詞後五章防強也

跋尾之漸長孺所分也

戚戚去故里悠悠赴交河公家有程期亡命嬰禍

-5 268 35 875" data-label="Text">

羅君已富土境開邊一何多棄絕父母恩吞聲行

負戈

一統志西蕃火州本漢時車師地治交河城唐

貞觀中以其地置西州天寶初改州為交河郡

元和志交河出交河縣北天山永分流城下因

以為名史記張耳傳亡命遊外黃注命者名

也逃匿則削除名籍稽康詩坎壤趣

世務常恐嬰禍羅漢書開置邊郡

卷二

三五

出門日已遠。不受徒旅欺。骨肉恩豈斷。男兒死無時。走馬脫轡頭。手中挑青絲。捷下萬仞岡。俯身試

擧旗。

顏延之詩。改服傷徒旅。木蘭詩。南市買轡頭。梁簡文詩。宛轉青絲鞵。注。青絲。馬鞵也。

思詩。振衣千仞岡。李涉書。斬將擧旗。

磨刀鳴咽水。水赤刃傷手。欲輕腸斷聲。心緒亂已

久。丈夫誓許國。憤惋復何有。功名圖麒麟。戰骨當

速朽。鳴咽水。即臨頭流水。未句反言以見意。

胡笳曲。夜聞隴水。分聲嗚咽。孫萬壽詩。心緒亂如絲。漢蘇武傳。上思腹脹之美。圖畫霍光

於麒麟閣。

送徒既有長。遠戍亦有身。生死向前去。不勞慙怒。嗔路逢相識人。附書與六親。哀哉兩決絕。不復同

苦辛。

史記。高祖以亭長為縣送旅驪山。漢書。六親和睦。

迢迢萬餘里。領我赴三軍。軍中異苦樂。主將寧盡

聞。隔河見胡騎。倏忽數百羣。我始為奴僕。幾時樹

功勳。

史記。衛青少時歸其父先母之子。皆奴畜之。元朔元年。為車騎將軍。封長平侯。

挽弓當挽強。用箭當用長。射人先射馬。擒賊先擒

王。殺人亦無限。立國自有疆。苟能制侵陵。豈在多

殺傷漢魏歌謠 諸本殺人亦有限 惟文待詔作無限以開合 語出之較有味 文云古文皆然

之從

驅馬天雨雪。軍行入高山。逕危抱寒石。指落曾冰間。已去漢月遠。何時築城還。浮雲暮南征。可望不可攀。

漢朔通傳會大寒士卒墮指者十二三 楚詞層冰峨峨 阮籍詩仰觀浮雲忽

單于寇我壘。百里風塵昏。雄劍四五動。彼軍爲我奔。擄其名王歸。繫頸授轅門。潛身備行列。一勝何足論。

末二語有大樹將軍意度 漢書注師古曰單于何奴天子之號也 說文壘軍壁也 列子劍有雌雄 魏文詩一發連

備

四五、漢書衛青霍去病虜名王貴人以百數

從軍十年餘。能無分寸功。衆人貴苟得。欲語羞雷同。中原有鬪爭。况在狄與戎。丈夫四方志。安可辭

固窮。不願苟得不辭固窮軍伍中乃有此節槩 合九章成一章法 蘇秦傳無有分寸之功 禮毋雷同 功而受賞不爲苟得

後出塞五首

男兒生世間。及壯當封侯。戰代有功業。焉能守舊直。召募赴薊門。軍動不可留。千金買馬鞍。百金裝刀頭。問里送我行。親戚擁道周。斑白居上列。酒醑進庶羞。少年別有贈。含笑看吳鉤。

鮑照詩去鄉三十載復得還舊土廣雅正居也

孫策傳名募得數百人道周樂府王猛謂

在順天薊州大夫庶生羞二十品通鑑王猛謂

頭儀禮上大夫庶生何以贈我垂解佩刀贈之

慕容飛日今當遠別日能為善鉤者賞百金有

人殺其二子以血釁金成二鉤獻之王曰何以

異於眾鉤乎鉤師呼二子名吳鴻扈稽我在此

王賞百金吳都賦鉤越棘純鉤湛虛

朝進東門營暮上河陽橋落日照大旗馬鳴風蕭

蕭平沙列萬幕部伍各見招中天懸明月令嚴夜

寂寥悲笳數聲動壯士慘不驕借問大將誰恐是

霍嫫姚寫軍容之盛軍令之嚴如于莫出匣寒

霍嫫姚光相向霍去病勤遠開邊故以為比

漢書注軍旅無

橋在閩鄉縣西門外河水濱

常始故以帳幕言之李廣傳廣行無部伍行

陣樂書胡笳似戚栗而無孔唐書祿山人

朝進驃騎大將軍霍

去病為姚校尉

古人重守邊今人重高勳豈知英雄主出師亘長

雲六合已一家四奔且孤軍遂使貔虎士奮身勇

所聞拔劍擊大雋日收胡馬羣誓開公冥北持以

奉吾君去冥北豈可開乎重高

蕪城賦崢嶸若斷岸轟似長雲過秦論以六合

為家書如虎如貔吳都賦出乎太荒之中

楚詞歷去冥以邪征淮南子北

方水也其帝顓頊其佐公冥

獻凱日繼踵兩蕃靜無虞漁陽豪俠地擊鼓吹笙

竽雲帆轉遼海粳稻來東吳越羅與楚練照耀與

夷

臺軀主將位益崇氣驕凌上都邊人不敢議議者

死路衢濫賞以結軍心嚴刑以罪眾口雖欲不亂

新書祿山傳天寶四載奚契丹殺公主以叛祿

山入月祿山給契丹諸酋大器酒毒焉無酣悉

斬其首獻馘闕下通鑑十三載祿山奏擊破奚

契丹擄其王李曰越屬幽州張雲帆地衝前北

地埋志漁陽郡秦置屬幽州張雲帆地衝前北

擊錦鼓南甲吹笙莫屬幽州張雲帆地衝前北

蜀都賦稷稻莫唐書越州朱光浮范女寶

花等羅左被練三千沈約詩朱光浮范女寶

左士臣皂皂臣與千載祿山奏前後立功將上

臺超三資告身於是超授將軍五百餘人中柳

請超千餘人又天寶七載祿山賜鐵券封柳

城郡公九載進爵東平郡王西都賊作我上

都祿山事蹟祿山自歸范陽逆節漸露使者

至稱疾不迎成備而後見之無復臣禮或言

祿山反者帝必縛送之道路相日無敢言者

我本良家子出師亦多門將驕益愁思身貴不足

論躍馬二十年恐孤明主恩坐見幽州騎長驅河

洛昏中夜間道歸故里但空村惡名幸脫免窮老

無兒孫此章顯言

李廣傳廣以良家子從軍左晉政多門唐

善天寶十四載安祿山陷河北諸郡十一月陷

東京舊注時祿山自幽州起兵

陷河洛漢書高帝從間道從軍

自京赴奉先縣詠懷五百字天寶十四載

清宮十一月祿山反詩應作於將反時

長安志蒲城縣開元四年建睿宗橋陵

改爲奉先縣

隸京兆府

杜陵有布衣老大意轉拙許身一何愚竊比稷與

契居然成落。白首甘契。闕蓋棺事則已。此志常  
變黎元 覲豁窮年憂。黎元歎息。腸內熱取笑。同學翁浩歌。  
不可及 彌激烈非無。江海志蕭灑。送日月生逢堯舜君。不  
例正古人 忍便承詠。當今廊廟具。構厦豈云缺。葵藿傾太陽。  
物性固莫奪。願惟蠅蠅輩。但自求其穴。胡為慕大  
至今 鯨。輒擬偃溟渤。以茲悟生理。獨恥事于謁。兀兀遂  
所見 聊自適。放歌破愁絕。歲暮百草零。疾風高岡裂。天  
時明皇在華清宮 衢陰崢嶸。客子中夜發。霜嚴衣帶斷。指直不得結。  
逢晨過灑山 御榻在嵒岨。崑尤寒寒空。蹴踏崖谷

滑瑤池氣鬱律。羽林相摩受。君臣留歡娛。樂動於  
經傳出何山 穆嶼。賜浴皆長纓。與宴非短褐。彤庭所分帛。本自  
出禮也 寒女出。鞭撻其夫家。聚斂貢城闕。聖人管篴恩。實  
大家之征 欲邦國活。臣如忽至理。君豈棄此物。多士盈朝廷。  
仁者宜戰慄。况聞內金盤。盡在衛霍室。中堂舞神  
此敘途次 仙。煙霧散玉質。煖客貂鼠裘。悲管逐清瑟。勸客馳  
水之 蹄羹。霜橙壓香橘。朱門酒肉臭。路有凍死骨。榮枯  
奉先 咫尺異。惆悵難再述。北轅就涇渭。官渡又改轍。羣  
冰從西下。極目高崒兀。疑是崢嶸來。恐觸天柱折。  
河梁幸未圯。枝撐聲窸窣。行旅相攀援。川廣不可

越老妻寄異縣十日隔風雪誰能久不願庶往其

饑渴入門聞號咷幼子飢已卒吾寧捨一衾里巷

亦嗚咽所愧為人父無食致天折豈知秋禾登貧

窶有倉卒生常免租稅名不隸征伐撫迹猶酸辛

平人固騷屑默思失業徒因念遠成卒

南頭洞不可掇首敘抱負次述道途所

北征因長篇畫分段落此詩及

家地理志注杜陵在長安南五十里上林賦

生契關宋書劉毅曰大丈夫蓋棺事乃定矣

元咸安姑樂業楚詞浩歌悅兮涉烈

宗同學共處楚詞浩歌悅兮涉烈

然終向之者誠也尸子螻蟻之穴無不滿焉

西京賦思于天衢天衢陰呼噪陰盛也

應縣東南二里即藍田山也雍錄溫泉在驪山

秦漢隋唐皆常遊幸惟玄宗特修蓋即山建立

百司庶府各有寓止于十月往至歲盡乃還宮

京賦託喬基于山岡直喘竟以高居集韻噪通

民常十月祀之有赤象出如匹練帛民名爲童

江賦氣滂渤以霧杳時鬱南都賦躡踏咸陽

垂拱元年置羽林軍注摩憂衛工衆多

之寓注廣大貌明皇雜錄上嘗於華清宮中

置長湯數十賜從臣浴西京賦玉階彤庭

史記士不得短褐西京賦玉階彤庭

卷一

傳贊廊廟之材非一木之枝潘尼詩廣厦構

衆材曹植表葵藿之傾葉太陽雖不爲週光

鮑照詩穿池類須勃既籍詩巢山抗高節



秦機詩峻峻白素絲織為寒女衣通鑑注唐人稱天子皆曰聖人孫楚與孫皓書愛民活國道家所尚木集注內金盤尚方器用幸延年詩金盤鱸魚曹植書衛霍不足侔也  
劉楨詩萬舞在中堂楚詞金相玉質  
詩蕭管清且悲異物彙苑陳思王製駢跡為美詩說文橙橘屬櫛出江南樹碧而冬生郭璞詩朱門何足貴孫子新書楚莊攻宋厨有吳肉尊有敗酒而三軍有飢色魏志武帝紀公還軍官渡舊注涇渭諸水皆從隴西而下政疑來自螻蚱雍錄峽山在華州高平縣即笄頭山浮水發源水經注張華敘神異經曰崑崙有銅柱焉其高入天所謂天柱也列子共工氏怒而觸不周之山折天柱絕地維  
照詩川廣每多懼易先號咷而後笑漢五行志父喪子曰折廢信傷心賦至於繼體多從天折失業流離紉向山名淮南子未有天地鴻濛頽洞 魏武詩

述懷

去年潼關破，妻子隔絕久。今夏草木長，脫身得西走。麻鞋見天子，衣袖露兩肘。朝廷愍生還，親故傷老醜。涕淚授拾遺，流離主恩厚。柴門雖得去，未忍即開口。寄書問三川，不知家在否。比聞同羅殺，戮到雞狗。山中漏茅屋，誰復依戶牖。摧頽蒼松根，地冷骨未朽。幾人全性命，盡室豈相偶。嶽岑猛虎場，鬱鬱結迴我首。自寄一封書，今已十月後。反畏消息來，寸心亦何有。漢運初中興，生平老耽酒。沉思歡會處，恐作窮獨叟。

年詣至德元載祿山陷滄關莊子原憲捉襟而  
文王以麻為鞋名曰麻鞋走鳳翔上拜左拾遺  
肘見木傳至德二載亡年艱窶孺弱至餓死  
時所在寇奪南家寓脚阮籍詩夕暮成老曠  
因許甫自往省視漢獻紀董卓悉燒長安宮  
書三川縣屬郿州內室屋蕩盡無復雞犬曹植  
廟官府二百里江淹去故鄉賦寧歸骨於松  
詩何意今摧頽舊注十月謂寄書己經  
十月非指孟冬之十月晉書阮咸耽酒浮虛

彭衙行

元和郡國志同州白

憶昔避賊初北走經險難夜深彭衙道月照白水  
山盡室久徒步逢人多厚顏參差谷鳥吟不見遊  
子還癡女餓咬我啼畏虎狼聞懷中掩其口反側

聲愈噴小兒強解事故索苦李餐一旬半雷雨洗  
濤相牽攀既無禦雨備徑滑衣又寒有時經契闊  
竟日數里間野果充糲糧卑枝成屋椽早行石上  
水暮宿天邊煙少留同家窪欲出蘆子關故人有  
孫宰高義薄層雲延客已曛黑張燈啟重門煖湯  
濯我足剪紙招我魂從此出妻孥相視涕闕于眾  
雛爛熳睡喚起沾盤殮誓將與夫子永結為弟昆  
遂空所坐堂安居奉我懽誰肯艱難際豁達露心  
肝別來歲月周胡羯仍構患何當有翅翎飛去墮

爾前

卷二

寰宇記彭衙故城在白水縣東北六十里  
頽厚有卅峴莊子注咬哀切聲古詩手巾  
掩口啼南史茹法亮傳便解事晉書王  
戎與羣兒戲於道側見李樹多實等輩競趨之  
戎獨不往或問其故戎曰樹在道邊而冬子必  
苦李也取之信然集注同家產即同州同谷  
窪一統志蘆子關在延安府安塞縣舊注  
以孫宰為三川宰或曰人名沈約詩高義薄  
雲天謝靈運詩朝游窮曠黑舊注剪紙作  
旒以招其魂吳越春秋越王涕泣闕于  
征賦然傷心肝  
北征公時家鄜州在鳳

皇帝二載秋閏八月初吉杜子將北征蒼茫問家  
室雜時遭艱虞朝野少暇日顧慙恩私被詔許歸  
蓬華拜辭詣闕下怵惕久未出雖乏諫諍姿恐君

有遺失君誠中興主經緯固密勿東胡反未已臣  
甫憤所切揮涕戀行在道途猶恍惚乾坤含瘡痍  
憂虞何時畢靡靡踰阡陌人煙眇蕭瑟所遇多被  
傷呻吟更流血迴首鳳翔縣旌旗晚明滅前登寒  
山重屢得飲馬窟邠郊入地底涇水中蕩瀟猛虎  
立我前蒼崖吼時烈菊垂今秋花石戴古車轍青  
雲動高興幽事亦可悅山果多瑣細羅生雜橡栗  
或紅如丹砂或黑如黥漆雨露之所濡甘苦齊結  
實緬思桃源內益歎身世拙坡陀望鄜時巖谷互  
出沒我行已水濱我僕猶木末下鴟鳥鳴黃桑野鼠

那  
拱亂穴夜深經戰場寒月照白骨潼關百萬師往  
者散何卒遂令半秦民殘害為異物况我墮胡塵  
及歸盡華髮經年至茆屋妻子衣百結慟哭松聲  
迴悲泉共幽咽平生所嬌兒顏色白勝雪見耶背  
面啼垢膩脚不襪牀前兩小女補綻才過鄰海圖  
拆波濤舊繡移曲折天吳及紫鳳顛倒在短褐老  
夫情懷惡嘔泄臥數日那無囊中帛救汝寒凜慄  
粉黛亦解苞衾裯稍羅列瘦妻面復光癡女頭自  
櫛學母無不為曉粧隨手抹移時施朱鉛狼藉畫  
眉關生還對童稚似欲忘飢渴問事競挽鬢誰能

卽噴喝翻思在賊愁甘受雜亂聒新歸且慰意生  
理焉得說至尊尚蒙塵幾日休練卒仰觀天色改  
坐覺妖氛豁陰風西北來慘澹隨回鶻其王願助  
順其俗善馳突送兵五千人驅馬一萬匹此輩少  
為貴四方服勇決所用皆鷹騰破敵過箭疾聖心  
頗虛佇時議氣欲奪伊洛指掌收西京不足拔官  
軍請深入蓄銳伺俱發此舉開青徐旋瞻叱恒碣  
吳天積霜露正氣有肅殺禍轉亡胡歲勢成擒胡  
月胡命其能久皇綱未宜絕憶昨狼狽初事與古  
先別姦臣竟殖醢同惡隨蕩析不聞夏殷衰中自

誅褒妲周漢獲再興然誤宣光果明哲桓桓陳將軍仗

鉞奮忠烈微爾人盡非于今國猶活淒涼大同殿

寂寞白獸闈都人望翠華佳氣向金闕園陵固有

神掃灑數不缺煌煌太宗業樹立甚宏達漢魏以來未

此體少陵特為開出是詩家第一篇大文公之忠

愛謀略亦於此見短篇突然而起悠然而止不

必另綴起結長篇必鋪敘

有倫起結整齊方為合格

詩二月初去三國志注表顧慙二物傅咸

表密勿軍國心力俱盡仇注東胡指方傅亮

未起獨斷天子謂所居為行在所漢書帝宗自

彭原幸鳳翔時改扶風為鳳翔郡古樂府飲

馬長城窟唐書邠州新平郡屬關內道

泉賦窺地底而上回胡三入地底暗用陶復陶

穴事其俗尚窟居也瑛地志涇水發源涇州

東南流邠州界至高陵八渭海賦江蕩瀟水

也本草其實似粟實而小蜀都賦月砂椹熾

出其坂其世說眼如點漆玉篇破陀險阻也

邠州因秦文公夢黃蛇自天降屬于地後魏于

邠年復為邠州楚辭元年改為涪交邠乾元

茅鴟怪鳴說文江東大鼠能人立以前兩雅

拱頭跳舞白起傳天下不樂為人立以前兩雅

矣鵬賦化為異物兮又奚足悲秦民之日久

輦拾殘輒結為衣物兮日百結陶詩驥感

悲哀又嬌兒索父啼說文襪是衣驥感

衣裳綻裂紉箴請補綴山海經朝陽之谷有

神曰天吳是為水伯虎身人面八首八尾

背青黃色方言關西謂澹禴短者為禴禴也

赤漢城中謠城中好廣晉四方且半頽  
詩父老雜亂言左昭而與之語漢書注天子  
在外曰蒙塵吳越春秋練士練卒博雅諸  
空也唐同鶴傳至德元載九月回紇遣其太  
子葉護率兵四千助國討賊肅宗身賜甚厚命  
廣平王見葉護約為兄弟葉護大喜稱王為兄  
同牧西京十月從廣平郭子儀入東京後漢  
書助順元氣孔德璋詩漢家嫖姚將馳突何  
奴庭順元氣使信詩箭飛如疾羽世說桓溫  
望向之虛竹一時都盡魏志吳人奪氣桓山  
貢海岱惟青州海岱及淮惟徐州又太行恒山  
至于碣石西陽雜俎祿山死太白蝕月舊書  
注褒如褒姒已也言光周宣漢光也舊書  
上至馬嵬驛左龍武大將軍陳元禮整比六軍  
以從元禮以禍由楊國忠欲誅之命吐蕃使者  
遮國忠馬訴以無食國忠未及對重士呼曰國  
忠謀反遂殺之以槍楊其首上出驛門慰勞軍  
士令收隊反貴妃不宜供奉願陛下割恩正法上  
國忠謀反貴妃不宜供奉願陛下割恩正法上  
令力士引貴妃下佛堂縊殺之長安志典慶

宮內有大同殿三輔黃圖未央宮有白虎殿  
唐遜太祖諱收為獸白獸閣即白獸門也  
異經東北大荒中有金闕高百丈舊注闕陵  
天子所葬之處也唐書天寶十載正月太廟  
置內官飛掃諸陵廟唐書天寶十載正月太廟  
機高祖功臣贊助逆宏達  
玉華宮 貞觀時建

唐地理志貞觀二十年置玉華宮在坊  
州宜君縣北七里鳳凰谷永徽二年廢  
為玉華寺

廿馬

溪迴松風長蒼鼠竄古瓦不知何王殿遺構絕壁  
下陰房鬼火青壞道哀湍瀉萬籟真笙竽秋色正  
蕭灑美人為黃土况乃粉黛假當時侍金輿故物  
獨石馬憂來藉艸坐浩歌淚盈把冉冉征途間誰

卷二 七

是長年者日不知何王殿妙于語言

陸機登臺賦步陰房而夏涼楚詞鬼火兮焚

焚樂府紛黛不加飾恨賦喪金與及玉乘

古詩所遇無故物西京雜記張丞相墓前

有石馬悔聖俞日玉華宮近有晉荀堅墓

兩都賦神

仙長年

九成宮本隋仁壽宮太宗

唐書九成宮在鳳翔麟遊縣西五里本

隋仁壽宮貞觀間修之以避暑因更名

馬宮周匝千八百步并置禁苑及

府庫官寺等太宗高宗嘗臨幸

蒼山八百里崖斷如杵白曾宮憑風迴岌嶮土囊

口立神扶棟梁鑿翠開戶廂其陽產靈芝其陰宿

牛斗紛披長松倒揭巉怪石走哀猿啼一聲客淚

有

逆林藪荒哉隋家帝製此今頽朽向使國不亡焉

為巨唐有雖無新增修尚置官居守巡非瑤水遠

跡是雕牆後我行屬時危仰望嗟歎久天王守太

白駐馬更搔首鳳翔有太白山謂

水經注三累山下有二石室皆因阿結廂連局

接闌東甯石上猶傳杵白之迹魏郡賦築曾

宮以圍垣西京賦狀崔嵬以岌業風賦風

起於地浸淫於谷盛怒於土囊之口注土囊

谷口也庾信賦紛披草樹魯靈光殿賦飛

陛揭巉緣雲上行通鑑隋開皇十三年二月

詔營仁壽宮於岐山之北夷山澧谷以立宮殿

美村三首

唐之世庾信詩停鸞

天書峻宇雕牆春秋天王狩於河陽

真

舊注鄭州圖經州治洛  
交縣羌村洛交村墟

崢嶸赤雲西日脚下平地柴門烏雀噪歸客千里

至妻孥怪我在驚定還拭淚世亂遭飄蕩生還偶

然遂鄰人滿牆頭感歎亦歔歔夜闌更秉燭相對

如夢寐字字搜出肺腑又似尋常人所能

陳後主詩日脚沉雲外陸賈新語乾鵲噪而  
行人至一古詩飄蕩水無根文姬胡笳曲喜

得生還兮逢聖君又更  
深夜闌兮夢汝來斯

晚歲迫偷生還家少歡趣嬌兒不離刻畏我復卻

去憶昔好追涼故繞池邊樹蕭蕭北風勁撫事煎

百慮賴知禾黍收已覺糟牀注如今足斟酌且用

驂  
遇

木

慰遲暮

吳志秦且日孰與偷牛苟活仲長統傳  
濯清水追涼風魯嘗曰糟牀即酒醉也

羣雞正亂叫客至雞鬪爭驅雞上樹未始聞扣柴

荆父老四五人問我久遠行手中各有攜傾榼濁

復清苦辭酒味薄黍地無人耕兵革既未息兒童

盡東征請為父老歌艱難媿深情歌罷仰天歎四

座淚縱橫酒味薄四句以父老語  
入詩艱難句少陵歌也

說文榼酒器本集注東征討安  
崧山也長門賦涕流離而縱橫

示從孫濟

平明跨驢出未知適誰門權門多噂沓且復尋諸

卷二

三



孫諸孫貧無事宅舍如荒村堂前自生竹堂後自

生蒼蒼草秋已死竹枝霜不蕃淘米少汲水汲多

井水渾刈葵莫放手放手傷葵根阿翁嬾惰久覺

見行步奔所來為宗族亦不為盤殮小人利日實

薄俗難具論勿受外嫌猜同姓古所敦

楚辭平明發兮蒼梧 詩嗜香背憎 左傳其

生不蕃 後漢永平 結交莫羞貧 羞貧交不成

莫傷根傷根葵不生 結交莫羞貧 羞貧交不成

世說張憑對其祖曰阿翁詎宜以子戲父

神仙傳王烈行走如飛 書以台

陰崖有蒼鷹養子黑柏顛白蛇登其巢吞噬恣朝

義鵲行

餐雄飛遠求食雌者鳴辛酸力強不可制黃口無

半存其父從西歸翻身入長煙斯須領健鵲癩憤

寄所宣斗上振孤影嗷嗷來九天修鱗脫遠枝巨

顛折老拳高空得踏蹬短艸辭蜿蜒折尾能一掉

飽腸皆已穿生雖滅眾雛死亦垂千年物情有報

復快意貴目前茲實鷲鳥最急難心炯然功成失

所往用舍何其賢近經滴水涸此事樵夫傳飄蕭

覺素髮凜欲衝儒冠人生許與分只在顧盼間聊

為義鵲行用激壯士肝

爾雅翼鷹鳥之鷲者雄大雌小一名爽鳩家

語孔子見羅者所羅皆黃口小雀 儀禮禽獸

知母而不知父廣韻鵲鷹屬陶詩弱多  
所宜木集注斗上陡然飛上也振影張翅  
旋也噉喙厲聲長鳴也修鱗蛇身巨類蛇首  
晉載記石勒引李陽臂笑曰孤往日厭卿老拳  
卿亦飽孤毒手七辯螭虹蛇漢書音義  
潘水出杜陵潘岳賦班駘彪以承介素髮  
以垂頰任叻集引長風流許與氣類  
漫叟詩話所生怒故云承激壯士川

新安吏

以下六詩皆言相州師潰後事

唐書新安縣屬河南府

客行新安道喧呼聞點兵借問新安吏縣小更無

丁府帖昨夜下次選中男行中男絕短小何以守

王城肥男有母送瘦男獨伶俜白水暮東流青山

猶哭聲莫自使眼枯收汝淚縱橫眼枯却見骨天

地終無情我軍取相州日夕望其平豈意賊難料

歸軍星散營就糧近故壘練卒依舊京掘壕不到

水牧馬役亦輕况乃王師順撫養甚分明送行勿

泣血僕射如父兄諸詠身所見聞事運以古樂府

而下何人更能措手神理驚心動魄疑鬼疑神千古

木齋詩昨夜見軍帖可汗大點兵唐制人有

丁中黃小之分注云天寶二載令民十八以上

為中男為賦所得將食之孝自縛請賊曰禮儀廢瘦不

若孝肥賦感其意俱舍之本集注眼枯淚竭也

年淫且怖伶俜到他鄉置州天寶元年改

為鄴郡乾元元年復為相州二年改為鄴城

元二年三月九節度之師戰於安陽河北

通鑑九節度圍鄴城自冬春度諸食盡克在朝

夕而諸旣無統帥城久不下上下體解思明白  
魏州引兵趨鄴每營選精騎五百日於城下壯  
掠諸軍樵采甚艱乏食思潰三月戰於安陽河  
北大風晝晦官軍潰而南賊潰而北子儀以朔  
方軍斷河陽橋保東京築南北兩城而守之  
吳越春秋棟練士卒舊注舊京即東都時子  
儀保河陽詔留守東都祿山事跡慶緒以五  
萬衆列陣于愁思岡賊衆大敗至相州城下  
四面穿濠圍之舊注濠城下池也漢百官表  
僕射秦官目侍中尚書博士郎皆有古者重武  
官有射以督課之淮南子兵畧上視下如子  
則下視上如父上視下如弟則下視上如見

### 潼關吏

雍錄潼關在華州華陰縣東北  
關西一里有潼水因以爲名

士卒何草草築城潼關道大城鐵不如小城萬丈  
餘借問潼關吏修關還備胡要我下馬行爲我指

皓

山隅連雲列戰格飛鳥不能踰胡來但自守豈復

憂西都丈人視要處窄狹容單車艱難奮長戟干

古用一夫哀哉桃林戰百萬化爲魚請噓防關將

慎勿學哥舒見宜守不宜輕敵潼關之敗由哥舒

後之守關者故云非專歸罪哥舒也

詩勞人草草世說湯池鐵城無可攻之勢

韓信傳車不得方軌不得成列所謂單車也

蜀都賦一夫守隘萬夫莫向元和郡國志桃

林寨自靈寶縣以西至潼關皆是哥舒翰傳

翰率兵出關次靈寶縣之西原爲賊所乘自相

踐蹂墜黃河死者數萬人通鑑哥舒翰與賊戰

於靈寶大敗遂入關光武紀赤眉在

河東但決水灌之百萬之衆可使爲魚

### 石壕吏

石壕村裏夫妻  
別淚比昭陽殿上  
多

絕 至 實

一統志石壕在河南  
府陝州城東七十里

暮投石壕村有吏夜捉人老翁踰牆走老婦出門

看吏呼一何怒婦啼一何苦聽婦前致詞三男鄴

城戍一男附書至二男新戰死存者且偷生死者

長已矣室中更無人惟有乳下孫孫有母未去出

入無完裙老嫗力雖衰請從吏夜歸急應河陽役

猶得備晨炊夜久語聲絕如聞泣幽咽天明登前

途獨與老翁別婦隨吏去老翁自

唐書郭子儀會九節度討安慶緒於鄴城王師潰又河陽屬孟州史記晨炊尊食

新婚別

兔絲附蓬麻引蔓故不長嫁女與征夫不如棄路

旁結髮為君妻席不煖君牀暮婚晨告別無乃太

匆忙君行雖不遠守邊赴河陽妾身未分明何以

拜姑嫜父母養我時日夜令我藏生女有所歸雞

狗亦得將君今往死地沈痛迫中腸誓欲隨君去

形勢反蒼黃勿為新婚念努力事戎行婦人在軍

中兵氣恐不揚自嗟貧家女久致羅襦裳羅襦不

復施對君洗紅粧仰視百鳥飛大小必雙翔人事

多錯迕與君永相望與東山零雨之詩並讀時之

漢以後續經此種詩何不可續蒼黃與蒼皇同

女子乎搜得皆漸之

古詩與君為新婚，兔絲附女蘿。荀子蓬生麻中，不扶而直。蘇武詩：結髮為夫婦，文子孔無席燹。陳琳詩：善事新姑嫜，釋名俗或謂舅為章，章與嫜同。穀梁傳：婦人之義，謂嫁曰歸也。本集注：嫁時將雞狗以往，欲為室家久長計也。孫武兵書：置之死地而後生。史記：羅襦襟解，風飈迴穴錯。迂注：錯雜交迕也。

垂老別

四郊未寧靜，垂老不得安。子孫陣亡盡，焉用身獨完。投杖出門去，同行為辛酸。幸有牙齒存，所悲骨髓乾。男兒既介冑，長揖別上官。老妻臥路啼，歲暮衣裳單。孰知是死別，且復傷其寒。此去必不歸還。

威去四苦痕迹

聞勸加餐，士門壁甚堅。杏園度亦難，勢異鄰城下。

縱死時猶寬，人生有離合。豈擇衰盛端，憶昔少壯

目。遲迴竟長歎，萬國盡征戍。烽火被岡巒，積屍草

木腥。流血川原丹，何鄉為樂土。安敢尚盤桓，棄絕

蓬室屏。場然摧肺肝。孰知即熟知古同用。魏公

養今子孫亡盡垂老從戎時事亦可傷已

吳志：郡界寧靜。魏文詩：狂顧動牙齒。史記：痛入骨髓。嵇康書：揖拜上官。古樂府：棄捐

不復道。力加餐飯。庾書：鎮州獲鹿縣有士門關。卽舊井陘關。祿山傳：李光弼出士門救常

山郡。九域志：衛州汲縣有杏園鎮。舊唐書：郭

十儀自杏園渡河圍衛州。鮑照詩：臨路獨遲

適。柎福傳：積屍暴骨。尹伯奇履霜操：孤息別

卷二

四

離今摧  
肺肝

無家別

寂寞天寶後。園廬但蒿藜。我里百餘家。世亂各東西。存者無消息。死者為塵泥。賤子因陣敗。歸來尋舊蹊。久行見空巷。日瘦氣慘悽。但對狐與狸。豎毛怒我啼。四鄰何所有。一二老寡妻。比休宿鳥戀本枝。安辭且窮棲。方春獨荷鋤。日暮還灌畦。縣吏知我至。召令習鼓鞀。雖從本州役。舟東內顧無所攜。近行止一身。遠去終轉迷。家鄉既盪盡。遠近理亦齊。永痛長病母。五年委溝谿。生我不得力。終身兩酸嘶。人生

無家別何以為蒸黎

上章以忠結此篇以孝結想見老甘朋父

漢郊祀志嘉禾不生。漢高祖秀茂焉。本草瓜形似狸而黃善能為餅。盧諶詩豈謂鄉曲譽謬充木州役。左思詩內顧無斗儲。陸厥詩酸嘶度揚越。相如封禪書覺寤蒸黎。

佳人

絕代有佳人。幽居在空谷。自云良家子。零落依艸木。關中昔喪亂。兄弟遭殺戮。官高何足論。不得收骨肉。世情惡衰歇。萬事隨轉燭。夫婿輕薄兒。新人美如玉。合昏尚知時。鴛鴦不獨宿。但見新人笑。那聞舊人哭。在山泉水清。出山泉水濁。侍婢賣珠迴。牽蘿補茅屋。摘花不插髮。采柏動盈掬。天寒翠袖

薄日暮倚修竹在山二句自寫貞潔也或以在山比新人出山比舊人終覺未安

結句不着議論而清潔貞正意隱然言外是為詩品

史記竇姬以良家子入宮漢書注白雨谷關以西總名關中南史宋陳太妃傳迎入宮經

二年再呼不見幸太后因言於上以賜明帝始有寵一年哀敬以賜李道兒尋又迎還生廢帝

煥肩吾詩柳精轉風燭暫映廣陵琴風土記合昏權也華晨舒而昏合本草合歡即夜台

一名合昏江總詩池上鴛鴦不獨宿說文婢女之卑者左寡君使婢子侍執中櫛東方朔傳董偃與母以賣珠為市梁昭明詩牽蘿

下石磴攀桂陟松梁毛長詩注兩手為搗

夢李白二首此白從夜郎放還

死別已吞聲生別常惻惻江南瘴癘地逐客無消

息故人人我夢明我長相憶恐非平生魂路遠不

可測魂來楓林青魂返關塞黑君今在羅網何以

有羽翼落月滿屋梁猶疑照顏色水深波浪闊無

使蛟龍得喜人過意

後漢宦者傅羣公卿士柱日吞聲係萬壽詩江南瘴癘地從來多逐臣招魂淮淝江水兮

上有楓林日陸千里兮傷春心魂兮歸來哀江

南文姬笳曲焉得羽翼兮將按歸神女賦其始來也輝乎其光日初出照屋梁其少進也

皎若明月舒其光續齊諧記漢建武中長沙人歐回見一人自稱三閭大夫曰

浮雲終日行遊子久不至三夜頻夢君情親見君

意告歸常局促苦道來不易江湖多風波舟楫恐

失墜出門搔白首苦負平生志冠蓋滿京華斯人

獨顛顛孰云網恢恢將老身反累千秋萬歲名寂

實身後事

仲長統詩何為局促詩搔首踟躕西都賦冠蓋如雲老子天網恢恢疎而不漏阮籍詩千秋萬歲後榮名安所之

萬丈潭

方輿勝覽前丈潭在同谷縣東南七里俗傳有龍自潭飛出

青溪合冥冥神物有顯晦龍依積水蟠窟壓萬丈  
內踟步凌垠塢側身下煙靄前臨洪濤寬卻立蒼  
石大山危一徑盡嵯絕兩壁對削成根虛無倒影  
垂澹瀨黑如灣濃底清見光炯碎孤雲倒來深飛

鳥

鳥不在外高羅成帷幄寒木累旌旒遠川曲通流

嵌竇潛洩瀨造幽無人境發興自我輩告歸遺恨  
多將老斯遊最閉藏修鱗蟄出入巨石礪何當暑  
天過快意風雨會

荀子積水成淵蛟龍生焉梁元帝與劉智藏書帝釋千馬經正園而踟躕步淮南子出於無垠垠之門注垠塢端崖也山海經太華之山削成而四方子虛賦乘虛無舊注澹瀨猶澹瀨也主篇還聚流也徐陵詩石礪波前響

鐵堂峽一路自秦州赴同谷縣紀行

方輿勝覽鐵堂山在天水縣東五里峽有石笋青翠上者至丈餘小者可以為礪水說文山附夾水曰峽



山風吹遊子。縹緲乘險絕。破形藏堂隍。壁色立積  
 鐵。徑摩穹蒼蟠。石與厚地裂。修織無垠竹。巖空太  
 始雪。霞遲哀壑底。徒旅慘不悅。水寒長冰橫。我馬  
 骨正折。生涯抵弧矢。盜賊殊未滅。飄蓬踰三年。廻  
 首肝肺熱。

漢胡廣傳列坐堂皇上。江總詩石路接堂皇。說文鐵黑金也。韓非子明主推積鐵之累而察一市之恩。淮南子上游于霄霏之野。下出于無垠之門。列子太始者形之始也。徐陵詩長冰壘不流。哀江。南賦水橫似岸。

青陽峽

塞外苦厭出。南行道彌惡。岡巒相經亘。雲水氣參

錯。林迴硤角來。天窄壁面削。溪西五里石。奮怒向  
 我落。仰看日車側。俯恐坤軸弱。魑魅嘯有風。霜嚴  
 浩漠漠。昨憶踰隴坂。高秋視吳岳。東笑遵華車。北  
 知崆峒薄。超然侔壯觀。已謂殷寥廓。突兀猶趁人。  
 及茲歎冥寞。朱子語錄云杜詩初年甚精細。晚年如畫乃其少時作也。  
蕪子注日車以日為車。蕪城賦水魅山鬼野鼠城狐風啤雨噴昏見晨趨。舊注隴坂在秦州。吳岳汧陽吳山。蓮華峰在華山。崆峒山在岷州。

寒峽

行邁日悄悄。山谷勢多端。雲門轉絕岫。積阻霾天  
寒。寒峽不可度。我實衣裳單。况當仲冬交。泝沿增  
波瀾。野人尋煙語。行子傍水餐。此生免荷爰。未敢  
辭路難。

蜀郡賦指渠口以為雲門。海賦絕岸萬丈。謝眺詩九河巨積阻。爾雅風而雨土為壘。應瑒靈河賦泝泝蔽水帆住如林。左注泝順流。泝逆流。鮑照詩行子中夜飯。周禮注五兵者。戈及戟。酋矛夷矛。釋名及殊也。長一丈二尺。無刃。有所撞。挫使殊離也。

石龕

方輿勝覽石龕

北勢突元在成州道中。只鋪非常。證句法。木魏。熊羆咆我東。虎豹號我西。我後鬼長嘯。我前猊又

啼。天寒昏無日。山遠道路迷。驅車石龕下。仲冬見

虹蜺。伐竹者誰子。悲詞上雲梯。為官采美箭。五歲

供梁齊。苦云直幹盡。無以充提攜。奈何漁陽。賦

颯驚蒸黎。

走詞虎豹鬪兮。熊羆咆。卑雅。載懷飲之。屬。禮孟冬之月。虹藏不見。墨子公輸班為雲梯。

後漢書梁齊連鋒。一統志。箭箠山在漢中府漢陰縣東北一百八十里。山產箭竹。

飛仙閣

即棧道。方輿勝覽。飛泉嶺在興州東三十里。相傳徐佐卿化鶴。跽泊之地。故名飛仙上。

有閣道百餘間。即入蜀路。通志。棧道在褒斜谷中。飛仙閣。即今武山閣。北棧

閣五十三間。總名連雲棧。

土門山行窄微徑緣秋毫棧雲闕千峻梯石結構  
半萬壑欹疎松積陰帶奔濤寒日外澹泊長風中  
怒號歇鞍在地底始覺所歷高往來雜坐臥人馬  
同疲勞浮生有定分饑飽豈可逃歎息謂妻子我  
何隨汝曹

一統志土門山在陝西耀州城東南四里中斷  
如門魏武善哉行月沒參橫北斗關下淮  
南子積陰之氣為水莊子淡與泊相遭又  
大塊意氣其名為風作則萬竅怒號後漢張  
真誠兄子書汝曹薄祐

桔柏渡

方輿勝覽桔柏渡  
在利州昭化縣

青冥寒江渡架竹為長橋竿濕州漠漠江永風蕭  
蕭連竿動嫋娜征衣颯颯急流搗鷁散絕岸隨  
鼉驕西轍自茲異東逝不可要高通荆門路關會  
滄海潮孤光隱顧盼游子悵寂寥無以洗心胸前

登但山椒

梁益記竿橋連竹索為之亦名繩橋西都賦  
鷁鴟鳴鷁淮南子積水重泉龍鼉之所便  
舊注桔柏渡乃文州嘉陵二江合流處東下  
入渝合達荆門釋文山頂曰巔亦曰椒

水會渡

山行有常程中夜尙未安微月沒已久崖傾路何  
難大江動我前洄若溟渤寬篙師暗理楫歌笑輕

波瀾霜濃木石滑風急手足寒入舟已千憂陟巘  
仍萬盤迴眺積水外始知衆星乾遠遊令人瘦衰  
疾慙加餐

吳都賦篙工機師劉孝綽詩  
榜人夜理楫詩陟則在巘

龍門閣

元和郡國志龍門在利州綿谷縣東北  
八十二里方輿勝覽閣道雖險然山在  
腰亦微有經可以增置閣道惟此閣石  
壁斗立虛鑿石窠架木其上比他處極  
險一統志在保寧  
府廣元縣嘉陵江上

虞

清江下龍門絕壁無尺土長風駕高浪浩浩自太古  
危途中縈盤仰望垂綫縷滑石歛誰鑿浮梁畏

隕

相挂目眩隕雜花頭風吹過雨百年不敢料一擊  
那得取飽聞經瞿塘足見度大庾終身歷艱險恐

懼從此數

水經水色清照十丈故名清江  
郭璞詩高浪  
駕蓬萊水經注棧道俗謂千梁無柱諸葛孔  
明與兄瑾書曰其閣梁一頭入山腹其一頭立  
柱於水中水火而急不得安柱後孔明卒五丈  
原魏延先退而焚之即是道也自後按修舊路  
者悉無復水中柱遙涉者浮梁振動無不搖心  
眩目  
本集注瞿唐峽在夔州大庾嶺在虔州

劍門

舊唐書劍州劍門縣界大劍山即梁山  
也其北三十里有小劍山大劍山有閣  
道三十里一統志大劍山在保寧府劍  
州北二十五里蜀所恃為外戶其山峭

漾

壁中斷兩崖相嵌如門之關如劍之抽故又名劍門山

惟天有設險。劍門天下壯。連山抱西南。石角皆北向。兩崖崇墉倚。刻畫城郭狀。一夫怒臨關。百萬未可傍。珠玉走中原。岷峨氣悽愴。三皇五帝前。雞犬各相放。後王尚柔遠。職貢道已喪。至今英雄人。高視見霸王。并吞與割據。極力不相讓。吾將罪真宰。意欲鏘巘嶂。恐此復偶然。臨風默惆悵。自秦州至成都諸詩 興險清削。雄奇荒幻。無所不備。山川詩人兩相觸發。所以獨絕古今也。以後五古俱橫厲頽墮。故所收從

易王公設險以守其國。張協賦崇墉四匝。水經注連山絕險。飛閣通衢。可想墉城之勢矣。

有

劍閣銘一人荷戟萬夫趨趙蜀都賦眼英藟芝玉石江珠趙汴岷山在成都之西即青城山峨山在成都西南即峨眉山西征賦渾雞大而亂放莊子若有真宰而不得其朕

遭田父泥飲美嚴中丞武為京兆尹兼御中丞故詩中稱尹  
步屣隨春風。村邨自花柳。出翁逼社日。邀我嘗春酒。酒酣誇新尹。畜眼未見有。迴頭指大男。渠是弓弩手。名在飛騎籍。長番歲時久。前日放營農。辛苦救衰朽。差科死則已。誓不舉家走。今年大作社。拾遺能住否。叫婦開大瓶。盆中為吾取。感此氣揚揚。須知風化首。語多雖雜亂。說尹終在口。朝來偶然出。自卯將及酉。久客惜人情。如何拒鄰叟。高聲索

果粟欲起時被肘。指揮過無禮。未覺村野醜。月出

遮我留。仍嗔問升斗。傳出豐厚村。朴景象而美中。承意自見。若專美鄭公。便是

後六應訓之作

宋書袁粲為丹陽尹。嘗步屣白楊郊野。遇士大夫。便呼與酣飲。月令擇元日。命民社。唐書兵志。擇材勇者為番頭。習弩射。又有羽林軍。飛騎。亦習弩。舊注。兵一萬五千。分為六番。以次更代。長番長在籍。無更代也。後漢孔融傳。欲命駕數數被肘。

述古

市人日中集。於利競錐刀。置膏烈火上。哀哀自煎熬。農人望歲稔。相率除蓬蒿。所務穀為本。邪贏無乃勞。舜舉十六相。身尊道何高。秦時任商鞅。法令

如牛毛。東坡謂此希稷契人語

易曰。中為市。莊子。膏火自煎也。阮籍詩。膏火自煎熬。西京賦。何必昏於作勞。邪贏優而足。尚。左。天下同心。載舜以為天子。以其舉十六相去四凶也。史記。商鞅相秦。封商君。天香刻薄。少恩。變秦法。令密如牛毛。

望嶽

水經注。衡山南嶽也。元和郡國志。衡嶽廟在衡州衡山縣西三十里。

南嶽配朱鳥。秩禮自百王。歛吸領地靈。鴻洞半炎方。邦家用祀典。在德非馨香。巡狩何寂寥。有虞今則亡。洎吾隘世網。行邁越瀟湘。渴日絕壁出。漾舟清光旁。祝融五峰尊。峰峯次低昂。紫蓋獨不朝。爭

依頃

長嶸相望恭聞魏夫人羣仙夾翱翔有時五峰氣  
 散風如飛霜牽迫限修途未暇杖崇岡歸來覬命  
 駕沐浴休玉堂三歎問府主曷以贊我皇牲璧忍  
 衰俗神其思降祥南岳亦名岫嶽山 禹日如渴  
 衡山七十二峯  
 最大者五芙蓉紫蓋石廩天柱祝融為最高魏  
 夫人即紫虛元君南岳夫人 府主洞府之主 謂  
 岳神也 靈光縹緲氣象蕭穆  
 人練時日帝臨諸章是此詩原本漢宮赤帝其精  
 漢天文志南宮朱鳥權衡索隱南宮赤帝其精  
 為朱鳥 書柴望秩于山川 江淹詩歛吸鷗  
 雞鳴 注歛吸猶俄頃也 顏延之詩邑爾總地  
 靈 舜典五月南巡守至于南岳 水經注衡  
 山東南二面臨映湘川自長沙至此江湖七百  
 里中有九向九背故漁歌曰帆隨湘轉望衡九  
 面 本集注渴日 謹尋日 橫 管 錄 岳 之 諸 峯  
 皆朝於祝融獨紫蓋一峯勢轉東去 周禮春

官以玉作六器以禮天地四方皆有  
 杜幣各放其器之色所謂牲璧也

送重表姪王珣評事使南海 珣音傳郭璞  
 江賦云珣崖

鼓作又

我之曾老姑爾之高祖母爾祖未顯時歸為尙書

婦陪朝大業末房杜俱交友長者來在門荒年自

餽口家貧無供給客位但箕帚俄頃羞頗珍寂寥

人散後入怪鬢髮空吁嗟為之久自陳剪髻鬢市

鬻充杯酒上云天下亂宜與英俊厚向竊窺數公

經綸亦俱有次問最少年虬髯十八九子等成大

名皆因此人手風雲龍虎從媒人眼中看 大奇下云風雲合龍虎一吟吼願展丈

有

夫雄得辭兒女醜刑補秦王秦王時在坐句史云能在此真氣驚戶牖及乎

貞觀初筆法尚書踐台斗夫人常肩輿上殿稱萬壽六

宮師柔順法則化妃后至尊均叔嫂盛事垂不朽

鳳雛無凡毛五色非爾曹鳳雛句以接入詩事非爾曹備言得非也往者胡作逆乾坤沸噉

噉吾客左馮翊爾家同遁逃爭奪至徒步塊獨委

蓬蒿左右字參差變化逗留熱爾湯十里却呼號自下所騎馬右持

腰間刀左右字參差變化左牽紫遊韉飛走使我高苟活到今日寸

心銘佩牢亂離又聚散宿昔恨滔滔小花笑白首

春草亂青袍下叙使南廷評近要津節制收英髦北驅漢陽

傳南泛上瀧舫家聲肯墜地利器當秋亭番昆親

賢領籌運神功操大夫出盧宋寶貝体脂膏潤主

降接武海胡舫萬艘我欲就丹砂山文自月跋涉覺身勞安

能陷糞土有志乘鯨鰲或駭鸞騰天聊作鶴鳴皋

虛負宋璟為廣府節度使出者出其上也前錢謂

大歷四年李勉除廣州刺史兼嶺南節度有善政

耆老以為可繼虛負宋璟李朝隱之徒所謂親賢

大夫亦謂勉也爾祖指王珪老姑謂珪之妻非

珪母也注詩家見剪髮髮句認為珪母後人因以

珪母李氏非杜駁之議論紛如而起看來剪髮髮

事詩中活用母可剪婦亦可剪也定為珪妻則尚

書踐台斗以下初無齟齬矣惟珪始事建成建成

亡後太宗始召用之初非舊時相識起手一段似

乎不合不知人情好為夸大或王氏子孫諱事建

成一節飾為此言而少

凌遂因之耶闕疑可也

唐書王珪為禮部尚書木集注大業十三年



與遊者何如人而試與借來會玄齡如晦過其  
家李窺大驚敕具酒食歡盡日喜曰二客公輔  
才汝貴不疑沈約集結禱以紆箕箒晉書  
陶侃早孤貧為縣吏鄱陽孝廉范逵嘗過侃侃  
時倉卒無以待賓其母乃截髮得雙鬟以易酒  
饋樂飲極歡雖僕從亦過所望後漢書二十  
人將論成能感會風雲奮其智勇稱爲佐命亦  
各志能之士也應璩書以龍虎之姿遭風雲之  
會中恭預朝政唐會要命婦謂並不得乘擔  
子其尊屬年高特敕賜瞻子者不在此例舊注  
夫人以命婦預朝會也本集注作逆謂祿山  
陷京馮翊同州也楚詞塊獨守此無浮兮  
鄴中童謠青青御路楊白馬紫絲韁哀江南  
賦青袍如草舊注節制謂廣南節度使又  
鄂川有漢陽縣漢書注古者以車謂之傳車  
水經注武溪水又南謂之灑水釋名灑三  
百斛曰灑舊書南海縣即漢番禺縣地海  
賦積太頓之寶貝東觀漢記孔奮守姑臧七  
年治有絕跡或嘲其處脂膏中不能自濡而奮

不改其操先注廣南有溪洞蠻其長曰洞主  
禮堂上接武廣韻船海中大船集韻艘音  
蕭船總名晉書葛洪聞交趾出丹砂求爲句  
漏合行至廣州止羅浮山著述不輟自號抱朴  
子別賦駕鴻上漢驂鸞騰天  
詩鶴鳴于九臯聲聞于天

